

वीरवतोयथा । अग्ने यज्ञस्य चेततः । अदाभ्यः पुर-
एता ॥ १ ॥

अग्निर्विशां मानुषीणां । तूर्णं ३ रथः सदानवः । नवः
सोमाय वाजिनै । आज्यं पयसोऽजनि । जुष्टः शुचितमं
वसु । नवः सोम जुषस्व नः । पीयूषस्येह तृष्णुहि । यस्ते
भागकृता वयं । नवस्य सोम ते वयं । आ सुमतिं वृणी-
महे ॥ २ ॥

स नौरास्व सहस्रिणः । नवः हविर्जुषस्व नः । कृतु-
भिः सोमभूतमं । तदङ्गं प्रतिहय्य नः । राजन्त्सोम स्वस्त-
ये । नवः स्तोमं नवः हविः । इन्द्राग्निभ्यां निवेदय ।
तज्जुषेताः सचेतसा । शुचिन्नु स्तोमं नव जातमद्य ।
इन्द्राग्नी वृचहणा जुषेथां ॥ ३ ॥

उभा हि वाः सु ह वाजोहवीमि । ता वाजः सघउश-
तधेष्ठा । अग्निरिन्द्रो नवस्य नः । अस्य हव्यस्य तृप्यतां ।
इह देवौ सहस्रिणौ । यज्ञं न आहि गच्छतां । वसुमन्तः
सुवर्विदं । अस्य हव्यस्य तृप्यतां । अग्निरिन्द्रो नवस्य नः ।
विश्वान्देवाः स्तर्पयत ॥ ४ ॥

हविषोऽस्य नवस्य नः । सुवर्विदोहि जज्ञिरे । एदं
वर्हिः सुष्ठरी मानवेन । अयं यज्ञोयजमानस्य भागः ।